

SAOPŠTENJE ZA MEDIJE

Zenica: U TC Džananović sa radom počela preuređena dm prodavnica

Udruženju Dlan uručena donacija dm proizvoda u vrijednosti 3.000 KM

Zenica, 4.2.2021. – U TC Džananović, na adresi Aleja Šehida bb u Zenici, danas su za kupce otvorena vrata preuređene dm prodavnice. U osvježenom prodajnom prostoru kupci sada mogu uživati u ugodnijoj kupovini proizvoda iz bogatog dm asortimana, koji uključuje proizvode za njegu i ljepotu, bebe i kućanstvo te iz segmenta zdrave ishrane.

Ponovni početak rada ove preuređene dm prodavnice, kompanija dm obilježila je i donacijom dm proizvoda u vrijednosti od 3.000 KM lokalnom Udruženju Dlan, koji u okviru svog Servis centra pruža besplatnu pomoć porodicama djece i osoba s poteškoćama u razvoju.

Donirani dm proizvodi koristit će se za održavanje higijene prostora za rad i opreme za rad sa korisnicima, kao i za higijenske potrebe korisnika koji svakodnevno zahtijevaju posebnu pažnju i njegu. „**U našim prilagođenim prostorijama za rad, koje smo na korištenje dobili od Grada Zenice, svakodnevno rade stručna lica, među kojima su i psiholog, edukator i rehabilitator te medicinska sestra, a trenutno pružamo podršku za 147 porodica. U ime porodica naših korisnika, ali i stručnog osoblja koje radi s korisnicima od srca se zahvaljujemo društveno odgovornoj kompaniji dm na ustupljenoj donaciji i senzibilitetu, ali i nesebičnoj podršci koju pružaju već dugi niz godina. Ponosni smo što možemo reći da ste primjer drugim kompanijama, a ujedno smo vrlo zahvalni što ste baš naš rad prepoznali kao vrijedan vaše podrške. Samo zajedno možemo graditi bolju budućnost za sve nas i društvo jednakih mogućnosti za sve**”, izjavio je Selvedin Dedić, direktor Udruženja Dlan.

U ime kompanije dm, donaciju je uručila Melisa Hečimović, regionalna menadžerica dm-a i tom prilikom izjavila: „**Svaki naš novi početak nastojimo obilježiti zajedno s lokalnom zajednicom čiji smo i mi dio. Poseban senzibilitet kao kompanija imamo prema ranjivim kategorijama društva, trudeći se podržati rad udruženja koji skrbe o njima. Nadamo se da ćemo današnjom donacijom Udruženju Dlan pomoći da u narednom periodu lakše izvršavaju svoje svakodnevne poslove njege i skrbi osoba sa poteškoćama u razvoju**”.

Povodom ponovnog početka rada ove dm prodavnice, dm je pripremio i posebne pogodnosti za svoje kupce. Tako je sve one koji su obavili kupovinu u vrijednosti od 30 KM ili više, danas na kasi čekao mali znak pažnje, a sve kupce do 6.2. očekuje još niz iznenađenja!

Naredna tri dana za svaku kupovinu dm će darivati ceker, a svim kupcima osigurati i popust od 15% na ukupni iznos kupovine. Za kupovinu u vrijednosti od 70 KM ili više kupci će na poklon dobijati dm kišobran, a dm peškir za kupovinu u vrijednosti od 100 KM ili više.

A za kupce koji nisu u mogućnosti obaviti kupovinu tokom prva tri dana te iskoristiti popust, dm je osigurao ograničen broj kupona s iznosom popusta od 15% na ukupnu kupovinu, koji će se moći iskoristiti do 12.03.2021.



Sve kupce dm poziva i da do 18.2. učestvuju u nagradnoj igri u kojoj mogu osvojiti vrijedne nagrade! Prva nagrada je laptop Lenovo IdeaPad i dm poklon paket, druga nagrada je kuhinjski robot *gorenje* i dm poklon paket, a kao treću nagradu dm je pripremio 10 dm poklon kartica u vrijednosti po 25 KM.

Radno vrijeme preuređene dm prodavnice u TC Džananović u Zenici je, od ponedjeljka do subote, od 10 do 21 sat, a nedjeljom od 11 do 19 sati.



Više informacija o dm drogerie markt d.o.o.

dm je na bosanskohercegovačkom tržištu prisutan od juna 2006. kada je otvorena prva dm prodavnica u sarajevskom naselju Dobrinja. Za 14 godina dm se pozicionirao kao vodeća kompanija u kategoriji drogerija sa 768 zaposlenika i 78 prodavnica u 44 grada te distribucijskim centrom u Sarajevu. U poslovnoj godini 2019/20. dm je u Bosni i Hercegovini ostvario promet od 199,6 miliona KM. Asortiman dm-a obuhvata preko 14.000 proizvoda etabliranih svjetskih i domaćih proizvođača, među kojima je više od 30 dm robnih marki kao što su Balea, alverde, Mivolis, trend IT UP, Denkmitt, babylove, dmBio i druge. U cjelokupnom asortimanu posebno mjesto zauzimaju organska hrana, prirodna kozmetika i ekološki prihvatljivi proizvodi.

Saopštenja za javnost na raspolaganju su Vam na <https://www.dm-drogeriemarkt.ba/pr-i-mediji/saopstenja-za-medije>, a arhiva fotografija na <https://www.dm-drogeriemarkt.ba/pr-i-mediji/fotografije-za-medije>.

Za više informacija molimo Vas kontaktirajte:

Ajla Hadžić, menadžer Marketinga, dm drogerie markt d.o.o.

Tel: 033/778-300, e-mail: ajla.hadzic@dm-drogeriemarkt.ba

Alena Kulenović - Delić, PR Manager, agencija McCann

Tel: 033/267-121, e-mail: alena.kulenovic@mccann.ba